

增脩祁縣志

壬午

祁縣志卷十五

祁縣知縣陳

時編輯

藝文六

詩

晉

贈溫嶠

郭璞

人亦有言松竹有林及爾臭味異  
蒼同岑言以忘得交  
以淡成同匪伊和惟我與生爾神  
余契我懷子情携手  
一豁安知塵冥

唐

祁縣志

卷十五

藝文

一

送重表姪王砮評事使南海

杜甫

我之曾祖姑爾之高祖母爾祖未顯時歸爲尚書婦隋  
朝大業末房杜俱交友長者來在門荒年自糊口家貧  
無供給客位但箕帚俄頃羞頗珍寂寥人散後入怪鬢  
髮空吁嗟爲之久自陳剪髻鬢鬻市充栝酒上云天下  
亂宜與英俊厚向竊窺數公經綸亦俱有次問最少年  
虬髯十八九子等成大名皆因此人手下云風雲合龍  
虎一吟吼願展丈夫雄得辭兒女醜秦王時在坐真氣  
驚戶牖及乎貞觀初尚書踐台斗夫人常肩輿上殿稱

萬壽六宮師柔順法則化妃后至尊均叔嫂盛事垂不

朽

元

過麓臺山

王惲

遠尋文石岡來歷南山纏麓臺臺爲山幽徑蟠古篆後  
峪行未盡前嶺已當面秋聲蕩林樾風露淒以泫陰壑  
氣翳鬱疑有虎豹變山田若無多溝崦耕已徧柴爨結  
半空羅絡碧巖轉自憐終歲勤獸患防一旦我本山中  
人束帶對郵掾頓然還舊觀瀟灑償夙願行經雙蟾嶺

祁縣志

卷十五

藝文

二

石怪驚變現闖首榭樹間氣自太古練月中誰推墜囚  
鎖屬山縣乃知北平守認虎飲翼箭物肖本偶然長歌  
下層巘

周黨墓

楊正芳

推官

赤曰盪炎精諸俊紛紜起功成骨髓枯圖畫何爲爾子  
陵又太顛舉足干星紀君臣兩失節虛聲徒灌耳伯况  
義至高伏謁有文理千金已盡捐鐘鼎若糖粃穀皮與  
短袍呼來不奉旨華名豈所需真心觀太始龍性不可  
馴豢養寔所耻博士亦多言責望同羊豕明主豈忍妻

皇路多傾圯人生各有適恬情非進止所以巢居翁洗  
濯自瀾瀾脫身恣遐矚九州一蕩子朝從澠池煙暮飲  
汾河水賜帛四十疋常穿雙敝履孤塚尚壘壘白石何  
齒齒上有古松樹清蔭被祁里無葉更無枝野火燒不  
死相伴先生骨年年苔色紫碑文久剝落字盡凌蒼兕  
拂拭愴我神丁寧矚逸史呵護須殫力寸心託在此再  
拜媿無將江南採蘭芷歌曰恒山聳雲霄明月影搖搖  
登山捉明月先生不可招

詠聖佛崖

于謙

祁縣志

卷十五

藝文

三

鑿石成佛巧石內無佛仙佛是幻象石石是佛渾堅如  
佛能有靈石靈在佛先佛原不在石靈在人心邊石既  
能成佛人何棄聖焉性中原有聖性上聖無偏天命與  
人性何嘗私聖賢忍將無價珠墮落泥沙淵一害於詞  
章再鑿於簡篇體認敬義字爲聖賢學全

國朝

麓臺龍洞

陳祖法

邑令

逶迤入洞口衣帶盡寒色竦身入深邃亂雲千里黑四  
洞各離奇儼然如分域北雷處至尊潛龍爲窟宅古木

橫深澗危梁俯空碧稍南聯二穴水乳交凝滴龍孫與  
潤濟據之司霖澤東南更深窅腥風朝暮迫日沒萬鬼  
號雨來千弩集奔雷與噴霧鴻濛終古闢茫然驚飛鳥  
何從振杖策緬想月上時皎皎炤寒栗猛將擁嬌娥新  
花附古栢

昌源春水

其源胡甲來北入龍舟大淙淙更西流勢遶衆峰背滙  
合非一源氣象幻晴晦星漢爛其中清濁光景碎石壁  
立巘岈橫波極西塞白雪何皚皚天青入煙靄旣無孟

祁縣志

卷十五

藝文

四

門險不與滹沱配拳石觸玲瓏濤流聲淡瀨不特山水  
觀千夫恃灌溉畚鍤響風雷桔槔樹旆旆旣荷造化功  
隄防使勿壞莫似塞宣房白馬沉河瀨瓠子歌終哀桃  
花漲難退牲牲祀河伯旱潦祈無害庶幾沮洳場百川  
於茲會

幘山晚照

出郭東南望幘山名自昔屈曲入層巒叢陰覆泉石日  
入松杉動星辰來几席巖虛猿鶴啼幽棲高士宅睠茲  
窅渺景流連在將夕曉霞飛甫散搖搖暮練白落日衆

山陰拍拍舞幽禽  
晦冥杳無際  
雲寒古木深  
而獨澄秋色  
不與月浮沉  
斜景照林牖  
餘暉落日襟  
散髮人影亂  
頓忘天地心  
策杖自容與  
我欲謝朝簪

龍舟夜月

太行插青天  
枯樹來悲風  
客行哀清秋  
游覽多朦朧  
徑歷千萬轉  
倏與清谿通  
峰峰不藏雲  
湧出青芙蓉  
女蘿飄蕙帶  
秋響鳴山蟲  
寥寥天宇曠  
變化窮鴻濛  
月出動萬山  
羣象涵碧空  
谿禽白如霜  
深入蘆化叢  
洞開玉女窻  
直如瑤池宮  
仙人披髮嘯  
鸞鳳操絲桐  
白光搖寒烟  
躡騎青驄  
寸心寄幽遐  
何殊上崆峒

祁縣志

卷十五

藝文

五

高峯積雪

天地渾一色  
大雪積林邱  
鳥道橫天險  
絕壁難窮搜  
恍若銀河開  
立身瓊花樓  
鳥跡絕枯樹  
龍氣潛古湫  
白葦何蕭颯  
狐兔幾見游  
遠村四五家  
茅屋無烟浮  
對此皛心魂  
竟欲陟之杳  
何來班馬鳴  
豪士青兕裘  
抽弓顧我笑  
仰射天西頭  
太行爲手臂  
雁門爲咽喉  
白光吹不斷  
紫氣連雲稠  
邊塞地雄濶  
長思江南洲  
簔笠戴漁父  
獨

釣弄扁舟散髮看梅花烟波長悠悠

故縣龍槐

鳳凰鳴梧桐鸞鷲來荆棘聲名一千載各自矜羽翼一朝取其材道旁堪嘆息何如輪囷姿千春老顏色青天絕攀躋俯仰空掩抑城東有古槐當大夫食邑歌舞朝雲散鳥鵲不欲入桑田幾變更婆娑此樹立仰者如抱甕俯者如負笈大者如臃腫小者如束濕亞者如瞰淵伸者如喙粒青葱鬱鬱中蜿蜒 集君子花自芳東籬不堪挹美人色自好風雨嗟何及願言托大樹逍遙

祁縣志

卷十五

藝文

六

在原隰

雙井古栢

兩聲常相應兩美常相映伊彼深深井雙欄峙深徑老農資灌溉少婦持釜甌轆轤與瓶綆昏旦爭相並東西既分源苦甘亦異性取用各有宜分別何足病一栢峙其中蔭蓋遂分贈蒼鱗與虬髯古貌而堅心俯視清泉仰視古樹陰古樹搖空碧清泉照寒林井水靜不流源從海宿尋秋聲亘長風樹杪波濤深德隣曾誌美高下有同音

沙城斷碑

孝婦哭東海能令滄海乾義士五百人捐驅同追歡感  
慨萬物理思之常盤桓皎皎秋月明萋萋芳草寒依依  
托儔侶百歲相辛酸邊塞苦無食太行高巘岼天涯各  
期許日日顧羽翰夫何歎離羣相思絕加餐哭泣碑陰  
畔不 高樹巔高樹恐多風何似碑陰安苔蘚久剝落  
高卧幾千年飛鳴者爲誰願與共九泉鴻死碑已裂一  
望惟寒烟錦江有寡婦日日金叵羅道旁有王孫哀哀  
發浩歌決絕恩與義不如鴻雁多

祁縣志

卷十五

藝文

七

周黨墓

陳

時

邑令

漢祖握赤符子陵事高尚耕釣富春山聲著雲臺上並  
世道同揆復有周伯况家散千金產長安遊何壯託疾  
杜私門誓不臣誕妄軒冕等塗泥邈懷齊得喪建武初  
被徵三聘勤辭讓賜帛遂賜歸聖明亦我諒短褐與羊  
裘烟霞任閒放斯豈釣名人猶來博士謗春風客人  
繁華孰主張千載一墓存碑碣立如嶂前謁小韓村穆  
然肅相向呵護應有神雲山同在望

麓臺龍洞

頡

暄

邑人



臺翠橫空造化秘靈岫神龍窟其中噓吸殊氣候雲  
來洞口冥雲去山依舊

昌源春水

竹影亂春流古澗尋來遠茅屋隱叢篁幽人足仰偃我  
欲溯洄從但恐迷不返

幘山晚照

夕翠靄層嵐亂霞堆覆髻石室生虛明幽仙此焉憩西  
日已沉沉東峯忽晴霽

龍舟夜月

祁縣志

卷十五

藝文

八

蟾影孕纖明偷浴丹溪水靜極含動機道心終不死坎  
隱先天鉛秘妙乃如是

高峯積雪

峨峨浮雲端晶晶玉山朗瑤臺十二峯一一絕攀仰永  
懷無熱邱御風披鶴氅

古縣龍槐

虛精化蒼龍蟠屈二千歲爲霖慰當時食德到今世婆  
娑古樹陰大夫奚所憇

雙井古栢

積翠蔭雙泉怪栢千年古誰知樹根人獨坐閱甘苦脉  
絡自分明淵源世莫

沙城斷碑

孤鴻啼斷碑碑斷爲鴻死鴻既不獨生碑亦非自毀君  
看沙城碑血痕漬石理

明

沙城斷碑

劉銳

沙暖荒城日孤鴻失偶時矢心直效死引頸苦投碑鴻  
力微碑爲折鬼神監鴻泣天地悲鴻節君不見投崖與

祁縣志

卷十五

藝文

九

斷臂皎皎蒙貞潔又不見剖心與斷舌耿耿秉義烈忠  
臣烈女無常見惟有鴻孤死節堪奇絕嗚呼衰草起寒  
煙子規淚血啼空山秋風吹殘月高樓夜雨鳴胡笳落  
日沙城慘暮雲年年北鄉羣鴈相與招忠魂

國朝

八景總詠

陳祖法

邑令

何地不生佳山水何人不思誇靈傑八景之名始瀟湘  
後此紛紛欲比絜昭餘綿亘百餘里披圖亦自矜奇絕  
高峯千仞璀銀光縞衣白紵神仙列春泉屈曲無迴瀾

垂鈿擲戈同載鐵龍湫風雨氣陰森雁碑苔蘚色清徹  
宛如貞女素袂懸儼然猛將霜劍掣歸鳥歷亂樵歌還  
返照一點幘山穿須臾明月清光繞夜半龍舟倍清妍  
孤槐婆娑斧斤絕食德美蔭感昔賢古栢參差覆雙井  
汲綆携缶相回旋子來探奇令茲土簿書鞅掌逢迎苦  
難從山水發奇情山水或者遲明府遙憶故鄉果孰多  
何日閒情隨牧豎

題戴楓仲丹楓閣圖

王士正

我行曾過昭餘祁匆匆未訪丹楓閣昨來宛見茲閣圖

祁縣志

卷十五

藝文

十

雲氣憑空何綽約丹崖翠壁紛窈冥飛瀑驚流亂迴薄  
列仙之儒形甚癯或曝南榮或六博閣前遠近香楓林  
葉不搖風自榮落君言此境夢得之是想爲因理難度  
不能隨汝巢神山詰曲人間有何樂我昔扁舟客楚蜀  
月明屢向楓根泊寒猿晴鳥相間啼峽雨江雲亦時作  
羈愁一夕生白髮迴首十年驚夢噩君胡愛此入魂夢  
楚客春心逝安托不然千歲化羽人未用神皇一丸藥  
不然卽夢楓生腹辦作玄真致非惡身棲京洛談蓬壺  
過屠門空大嚼與君更期汗漫遊下瞰崢嶸上寥廓

爲戴楓仲題丹楓閣

施閨章

掉頭苦愛青山住擔簦偶踏長安路眼前突見層雲陰  
盤空草閣巢楓樹關西耆舊不離口華岳三峰擎在手  
老楓相伴寒不枯肯許風霜落葉無

戊辰季夏喜雨

三章之一

簡日升

邑令

天其雨天其雨天不雨兮空我庾園塵焚如歲且饑懊  
悒何能穀士女暴尪焚巫笑魯僖除壇襍醮祝神祇足  
跌頭蓬麓臺去窮黎那更惜膚肌我迫欲爲民請命徒  
步禱求毋不敬春耕夏耘閱幾時省躬懼災神感應上  
祁縣志

卷十五

藝文

十一

天原不酷生靈蠅蠹驅逐沛商霖誰敢貪天爲已力惟  
將仁愛謝蒼旻

天聖鐘行

在縣署大門譙樓宋  
仁宗天聖二年造

陳

時邑令

縣衙譙樓辟邪懸天聖二年鳧氏鑄質色陸離字半存  
春秋今餘七百度北宋是時當昇平不窳不櫛太和布  
嘈呖謾擬無射同底事龍文虎章具鐘聲還逐漏聲長  
漏憑鐘起亦憑住

祁邑更漏起  
止以鐘爲節

警人尤在夢覺關蒲牢

一擊振雲樹修輯舊乘拾闕遺嗜古之癖更沉痾大鏞

在列人未識摩抄獨深鼎彝慕

張果老石洞

頡煥章 邑人

南走條山北恒嶽驢背往來一何數  
溫風半嶺憩仙踪  
古洞千年無斧斲繫驢洞口留蹄痕  
壁上石櫬今猶存  
飲泉齧草恣遊戲碧莎映水穿雲根  
翠水三山隔煙霧  
道人自有壺天住何緣策蹇來此間  
頗近紅塵無乃悞  
不信仙家怕寂寥東隣有女妙垂髻  
種園人作吹簫客  
佳婿何嫌白髮飄懶去蓬萊住城市  
乞食偷桃類如是  
藥瓢破帽游人間誰信丹成終不死  
開元天子重仙才  
遣使頻招鶴駕迴不尙主家遽仙去  
圖形立觀奚爲哉

祁縣志

卷十五

藝文

十一

作帝侍中亦怪事遠閱光陰幾百世  
和璞鑑人術已窮  
夜光有眼不能視神人隱顯人莫知  
上天下淵從所之  
孰與深探造化窟語秘不傳徒爾爲  
昔年曾訪黃花洞  
流水夕陽空目送今年又到仙南嶺  
笛聲吹破浮雲影  
舉杯欲飲幾徘徊聞說先生蛻去也  
常來

唐

過王右丞書堂二首

儲嗣宗

澄潭昔卧龍章句世爲宗獨步聲名在  
千巖水石空野  
禽悲灌水落日弔清風後學攀遺址  
秋山聞草蟲

萬樹影參差石牀藤半垂螢光雖散草烏跡尚臨池風  
雅傳今日雲山想昔時感深蘇屬國千載五言詩  
明

春日遊栢谷山寺二首

朱瑄堯

潘定王

臘屐堪乘興徘徊捫薜蘿天臨丹嶺近山入白雲多鳥  
道無方軌龍湫有暗波何時值野老長嘯出重阿  
天外聞清梵晨光滿翠微杖藜蒼蘚滑斲藥紫參肥松  
偃雲垂葢花分露濕衣一僧能話古去住轉忘機

太原道中

王世貞

祁縣志

卷十五

藝文

十三

盤陀十二驛驛驛似西川畢竟中無地還疑內有天居  
民同伏鼠宿客傍棲鳶不待蟬聲苦秋霜向鬢邊  
不斷峯巒色何由見晉陽傍山兔三穴入地鼠千倉頂  
爲泉奔瘦牙因棗熟黃吾兒莫相笑風俗古陶唐

國朝

幘山晚照

周繼芳

邑人

中峯一徑分盤折上幽雲夕照前村見秋濤隔岸聞長  
松標古岫疎竹動微醺自愛蘇門嘯懷賢事不羣

王允墓

張鵬翮

王佐才名早汗青表立功報君千古事許國一腔忠氣  
吐虹霓影魂歸漢業空墓門何處掃懷古嘆英風

祁縣道中是日馳驅百餘里

魏允貞

顛毛日以短行路日以長一夜霜華白千村木葉黃客  
心轉無賴王事不遑將回首漳河曲秋雲護草堂

答戴二楓仲見懷兼申別緒五首 李因篤

朔雪天無際春風客正愁故人書遠及戎馬問遨遊自  
隔三關道難登百尺樓接塵懷往事飄泊淚長流

彩筆題佳句斑衣念薜蘿猶虛弧矢飲不忘脊令歌渭

祁縣志

卷十五

藝文

十四

水非清瀆汾川且碧波修名俱老大志緒莫蹉跎

漢室聞遺老君爲築草亭海山方轉鬪天地此傳經水  
入昭餘白春開綿上青西河舊風味更許一楊舲

爲訪南州逸深憐北地翁鄧攸沾老淚阮藉失同風夏  
樹微休馬河陰捷轉蓬相期唁幽壑金石慰途窮

昔是平原客還同絕塞觴江魚財一寄嶺鴈只孤翔官  
薄捐妻子材違冷棟樑從君留浹日細與論行藏

祁奚祠

陳時邑令

大夫明德遠千載致精裡舉善心無我分曹譽在民邑

名從氏古廟貌易時新不作雲州吏徒爲嚮往人

宿西岩寺

陳時

心愛西岩寺頻來却暫留開窓看月上倚枕聽泉流戶  
靜寧雞犬途衝走馬牛一官慚未稱那敢賦優游

溫飛卿故里

喬煌邑人

一代風騷將才華絕後塵誰傳乾牋子君是不羈人侘  
傺還憐蔡胤零更弔陳同鄉曲學者真藁許相親

過盤陀鎮

于謙

祁縣志

卷十五

藝文

十五

羣峯行盡是盤陀小徑紆迴亂石多風約間雲難作雨  
渠分流水不成河開門野店羣雞唱花發春山百鳥歌  
一段好懷無處着令人對景費吟哦

麓臺龍洞

劉銳

南望層巒倚翠臺孤峯挺矗肖飛來清宵豁落千岳月  
瀧壑豁訝萬里雷靈氣時蒸十日雨瑤光常現五雲迴  
祁民無俟桑林禱洞口龍吟旱魃回

幘山晚照

劉銳

峭壁巉岩繞翠微一山掩映萬山圍峯巒也向雲霄出



雨露還蒙草木菲  
荒峽斷猿悲  
白晝乎林啼  
鳥轉  
恩光莫訝沾衣晚  
先到樓臺今始歸

龍舟夜月

呂師賢 邑人

龍舟橫帶幘山東  
水勢滔滔湛碧空  
幾樹晴嵐浮遠岫  
一輪明月麗高峯  
光搖雲漢隨人轉  
影射樓臺到處同  
謾道清暉終夜好  
年年還似仲秋中

高峯積雪

徐文泌 邑令

曉來杖策步巍巔  
始信龍峯別一天  
玉馬銀獐時掩映  
蘆花柳絮日鮮妍  
四郊快靚謝家樹  
百里欣瞻雍伯田

祁縣志

卷十五

藝文

十六

可是化工應有意  
故教三白表豐年

祁城懷古

原堂 邑人

城郭遷移數百年  
芳基勝址尚依然  
雨餘雉堞分明現  
月霽譙樓蕩漾懸  
禪塔頂磨霄漢古  
湯祠地湧海根連  
夜來騎鶴飛仙過  
笑指當年舊市塵

二百八日續經閣定祁卷賦以興士

文翔鳳

河汾自表素王樓  
莽有行雲過則收  
每挾元經臨目  
或沿中說度新伙  
興酣歷品三千卷  
情至齊懸十二鈞

青眼太空聊放曠人豪誰與步風流

題祁邑察院壁

袁繼咸 提學

一官蕉夢笑三刀萬里孤征舊葛袍序接新秋晴暑烈  
天隣絕邑暮風高雲瞻遠樹人懷狄檄捧長驅事愧毛  
老去衣冠看骨立蒼生誰起爲心勞

弔叅將張平山

詹榮 撫軍

硯席曾同二十年宦蹤離合總相牽雲中百戰論功後  
閩外孤忠獨爾先裘革已酬當日志遺編真與萬人傳  
沙場折戟重尋處痛哭西風咽暮蟬

祁縣志

卷十五

藝文

十七

周黨墓

胡希顏 僉憲

漢帝宸聰萬里瑩中興無日不延英王良仕路何如重  
伯况功名自是輕黃綺本非逃季世夷齊誰謂務虛名  
停驂借問不賓志芳草年年傍墓生

蒙山烟雨

麓臺一名蒙山

喬宇

俯瞰荒原一掌平亂山迢遞走西東路盤絕頂羊腸險  
勢壓層城虎踞雄冉冉輕烟浮遠碧霏霏零雨下空蒙  
高虛合是神靈地父老年年祀禮同  
市過花香落澗泥遠尋樵逕記還迷吟躋絕巘開蒼霧

笑倚危榭拂翠霓下界俯看千壑迥半空遙指萬山低  
紛紛塵世何爲者忙逐昏鴉共曉鷄

過蒙山次郭伯瞻韻

澗谷盤迴帶岬岫直從飛磴跨蒼旻雲驅野色千駿馬  
峰疊晴光萬角麟雄飲詎知樽有盡捷才誰說句無神  
鏡湖一曲皆君賜高尚何如賀季真

國朝

祁縣飲酒

王士正

種秫常思住醉鄉葡萄未肯博伊涼柏浮便可稱名士

祁縣志

卷十五

藝文

十八

潦倒真須號湯羗投老欲從田父飲開封聊對馬軍嘗  
滑稽莫作鴟夷笑無計忘憂只杜康

祁縣訪戴楓仲見其子永豐令記知以壬申歲逝  
矣輓之一首

麓臺山畔已深春侯甲河邊起暮塵耆舊百年誰碩果  
江湖萬里慣勞薪楓丹笠澤思漁父草綠昭餘酌故人  
一笑猗歌揮手去嗟來桑戶返於真

麓臺龍洞

楊振藻

邑令

天際嶺岼聳麓臺鏤空山骨浸蓬萊木梁架處風常吼

石乳垂時雨欲來獨座神居司保障分符龍種現嵇璠  
蘊隆歲歲沾靈澤老稚携瓶拜舞回

幘山晚照

上幘偏同下幘連雙峯結就蔚藍天林深自愛晨暉曙  
岑寂還宜晚照懸高嘯考槃多逸士徵心古剎起幽僊  
山陰簾底垂清晝睇望層巒篆紫煙

八景總咏

許鴻程 邑人

絕頂凝寒玉屑危 高峯積雪 冰清風浪泊天來 昌源春水 潛虬出

谷雷聲震 麓臺龍洞 貞鴈啼紅石刻摧 沙城斷碑 遲上蟾光輝碧

祁縣志

卷十五 藝文

十九

澗 龍舟夜月 斜穿日影入空峒 幘山晚照 蟠蛟曲曲荒城樹 故縣龍槐

蔭覆雙泉派不開 一栢二井

禱麓臺祠

李而洵 邑人

屹然獨擅一方雄洞曲離奇未可窮翠巘插空堪落雁  
錦泉穿澗已成虹爆沙如獲夷陵石沛澤旋沾少女風  
莫道子遺無篤誼年年功與禱桑同

劉思齋游麓臺山以記見示并錄壁間張中宿先

生詩步原韻卽呈太乙思齋 王 綬

麓臺青峭白雲頭杖策高閒羨此游石起疊峰何處是

嬰常名澗客初留欣看萬壑千岩記幾上城南縣北樓  
失却龐公存守黑壁間題句細凝眸

祁縣有懷溫飛卿

殷嶧

金荃一冊傍紗籠照字燈花異樣紅名滿苦遭當路忌  
官卑長以浪游終憐才幾見如饑渴觸諱真宜致阨窮  
不讀南華非害事肯隨文士校雕蟲

王允墓

陳

時

邑令

漢祚當年一綫存老臣宏濟答君恩朝廷恃我寧求免  
社稷無靈竟絕援悵望長陵悲落日空餘秘器賜東園

祁縣志

卷十五

藝文

二十

停驂隴畔歸途晚杳靄寒烟鎖墓門

宿西岩寺

兩載風塵鬢皓然勞將拙補豈能賢遙村閭寂初鳴柝  
古道塗泥慢着鞭訪軼欲憑詩作史

時修輯  
邑乘

牧民違詡

吏如仙西窻剪燭同僧話斜月疎鐘尚未眠

贈東觀鎮任君丕烈

幽棲一似鄭公鄉儒服儒冠壽且康顧我風塵勤補綴  
羨君林壑閱行藏兒孫繞膝春暉永鷄黍留賓道味長  
彈指期頤昭 國瑞 綸音寵錫姓名香

昭餘八景

日升 邑令

凌虛臺閣洞雲開  
春水桃源湧翠來  
舟楫晚搖龍沼月  
雪峰晴放玉林梅  
殘碑慘說哀鳴鴈  
故縣芳傳舊種槐  
一栢陰垂雙井異  
夕陽紅照幘山隈

麓臺龍洞

簡日升 邑令

未入昭餘境  
巋然見麓臺  
莽蒼籠絕巘  
削劣起層隈  
野馬乘雲走  
神龍致雨來  
豁舒池水濶  
空曠笋芽排  
直擬尋源入  
欣爲弄日回  
凌虛光四射  
眼底卽蓬萊

龍舟夜月

祁縣志

卷十五

藝文

二十一

一水盤陀曲  
蜿蜒龍作舟  
有濤如積石  
無浪卽瀛州  
隕沫摧山谷  
涵虛映斗牛  
濯纓人浴日  
落影雁橫秋  
載酒思元度  
臨溪憶子猷  
更疑逢八月  
王粲興登樓

昌源春水

冽洑來胡甲  
迤流過子洪  
沿堤翻柳浪  
觸石激蛟宮  
馬走祁城北  
湍飛汾水東  
漣漪晴浴日  
滂濞氣如虹  
修竹描摩詰  
深渠悅鄭公  
年年二三月  
槎泛女牛逢

幘山晚照

突兀凌霄漢  
嶺岼俯溪也  
宜朝旭上多愛  
夕陽西處

壑涵歸鳥危峰表測圭茶烟烹暮靄劍氣吐青霓盤谷  
爭明晦名山任品題幽光長不夜躡步躡丹梯

高峯積雪

峭壁聳琅玕漫空積粉團千年看皎潔百里識巔岼不  
與羣峰並常於夏月寒梨花堆玉屑柳絮落珠盤溽暑  
疑無着炎威渺不干何人披鶴氅長嘯倚雲端

雙井古栢

鑿飲歌堯壤栽培付化工往來瓶 續下上鮒禽通古  
栢垂餘蔭荒郊任漑功轆轤齊轉月枝葉獨吟風雨美

祁縣志

卷十五

藝文

二十二

應相合雙泉迥不同從來殊臭味物理總難窮

故縣龍槐

憑弔并州古悠然景昔賢縣名猶襲古槐影尚爭妍映  
日枝逾茂經霜質更堅風來虬爪振月挂頷珠懸永與  
甘棠並休將散櫟傳雲龍常作睹噓氣直參天

沙城斷碑

渺渺平沙暗嗷嗷孤雁飛鳴聲哀欲絕顧影是也非夜  
雨丹砂磧秋風黃鵠磯苦心曾裂石喉血尚沾衣羽族  
扶忠烈弋人貪險機貞珉長不朽終古弔林霏

明

廿一年擬解再經備卷夙興語勗因與同志書之

祝 嫵 按院

無心希速化有志學常惺花發寧虛夢雞鳴豈惡聲

唐

王僧辨 陳

孫元宴

彼此英雄各有名石頭高卧擬爭衡當時堪笑王僧辨

待欲將心託聖明

明

祁縣志

卷十五 藝文

二十三

麓臺龍洞

傅 山 太原

麓臺洞口樹冥冥老栝長松響不停龍去深林風雨黑

龍歸雨歇滿山青

昌源春水

昌源竹子臨春水鏡裏雲梢炤影勞若得才人似長吉

不妨斫取寫離騷

沙城斷碑

夜半沙城月黯然秋風雙鴈影連翩杜鵑不解相思死

口血空啼二月天



昌源春水

武尚綱 邑人

遶澗飛流接野灘  
波翻晴雪蹴橋寒  
農家贏得勤生計  
灌溉良田兆歲安

昌源春水

胡庭 西河

沮洳流漸春澤開  
分花界柳絡山隈  
若非織女機邊出  
會自桃源洞口來

墳山晚照

蜀王石鏡懸金馬  
蜀女烟鬟界玉繩  
野寺山僧眠乍覺  
隔林疑認佛龕燈

祁縣志

卷十五

藝文

二十四

高峯積雪

隨意竟陵烹雀舌  
天然摩詰寫芭蕉  
暖因怕種紅塵果  
故遣炎蒸雪不消

沙城斷碑

片石亭亭倚路岐  
秋風猶是鴈來時  
一篇無字蓮花藏  
截曹娥孝女碑

龍舟夜月

周之恒 叅政

河漢無聲天氣清  
東山矗起驛雲平  
誰憐世局如長夜  
故遣蟾光晦日生

高峯積雪

西竺繇來著雪山  
六花凝玉謝躋攀  
而今晉地清涼甚  
六月寒生雪亦頑

故縣龍槐

晉賢邑趾近花封  
喬木當年欲化龍  
蟻垤可能緣突與  
南柯夢破日高春

雙井古栢

地脉相連味獨殊  
漫將格物叩通儒  
蜀中亦自分鹽火  
一葉同源事有無

祁縣志

卷十五

藝文

二十五

沙城斷碑

沙磧依稀舊築城  
鴈聲絕處斷碑橫  
峴山多少憐才淚  
又見西郊羽族名

過盤陀鎮

王

瓊

尚書

望人南山一徑開  
幾家亭館白雲隈  
誰言此去艱危甚  
宋祖驅兵馬上來

龍洞

李崇義

陰陰石洞玉龍盤  
歷歷岩泉雪乳寒  
紅葉滿庭山鳥寂  
夜深明月倚闌看

國朝

題馮仙湜畫贈戴楓仲

王士正

何處神遊杳靄間  
楓林曲曲水潺湲  
一峰雲外青於染  
箇是君家舊幘山

幘山晚照

戴王命 邑人

幘山高矗凌霄漢  
緩步登峰拄杖藜  
不夜初疑明月上  
餘暉却是夕陽西

詞

唐

祁縣志

卷十五

藝文

二十六

剔銀燈

小院煙深細雨正好  
愀愀春睡  
薰被金枝連推繡枕報  
到皇都書至良人得意  
集英殿首攀仙桂  
斗帳重襟  
驚起斜倚屏山  
偷喜寶髻慵梳  
香箋析破果見中高高  
名第秦樓十二知他  
向誰家沉醉

嘉靖癸丑秋九月余家書院圃中掘得一枯體藉一  
琉璃枕上書剔銀燈詞詞尾題宣和歲次蕤賓月吉  
旦子東仲美書更寫一囿花押此瘞於五百年之前  
及今廢露其時若有待者甲寅三月爲之移葬城東

原古枕仍殉之云某月望日閤繩芳記

附潛刻右丞墨蹟有歌

并引

無名氏

王右丞維因其父官司馬徙家汾州然實祁人也我明萬歷間祁閻氏築宅忽地陷得骸槩宛然中有甃枕枕上有剔銀燈詞乃右丞夫人聞金泥喜信作也其邑人無言李公嗜古之士憫然有水流燈焰之感倡祁上同志斂錢改厝焉公來令潛告予故且刻其墨蹟予以爲右丞栖神禪蛻施莊報母發心永却願爲佛門伽藍想於生平詩畫風流舉在懺中當時凝

祁縣志

卷十五

藝文

二十七

碧池鬱輪袍已蕩然如夏鴻冬燕何知所在且妻亡孤居者三十年卽有金泥喜信此夢幻之尤可笑者而嗜古如李大令寶其殘骸遺枕重封馬鬣愛其枕中詞如香奩新詠纔脫諸口方將傳爲逸事美談拾之惟恐不盡也天地間詩畫風流機倪蹤影其連屬後世人與造化相持所謂貽所不知何人獨此物有神焉卽右丞焚香寂照時亦不能使詩畫風流化爲月光童子一泓空水而予與李大令古墓荒草間安能澹不生情也大令豈直爲鄉人徬徨耶于是譚子

爲之歌右丞移家河東去  
祁人想像空知處  
魂依土失前和出隴  
新詞香風曙重座  
盡蝕土花好素瓷  
作椀金石保我欲  
高歌剔銀燈喚起  
維摩禪心早

戴廷栻日按孟元老東京夢華錄記大內宣祐門外西去爲紫宸殿次日文德殿次日垂拱殿次日皇儀殿次日集英殿注御宴及試舉人於此據此則集英殿自是宋時殿名且宣和又是徽宗年號何以遂傳爲摩詰夫人事景陵亦冒冒賦之耶再檢宋選舉志宣和次歲狀頭又非祁人博聞詳考以後之君子

明

踏莎行

贈一泉郭公

李恕

李畝方塘數椽茅屋  
窻前對却蕭蕭竹  
安樂窩中幾卷

祁縣志

卷十五

藝文

二十八

書希夷鼯睡三竿足  
興動吟詩樂歌曲  
閑時散步遊盤谷  
惟知谷我氣和神  
丟却人間榮與辱

錦堂春

胡公濂爲賊所害妻王氏矢節守義

張鉞

嶺三冬嚴雪龍舟  
徹夜蟾光昌源春  
水清如許掩映照  
孤孀慷慨從容兩  
得義夫節婦同芳  
從今姓字傳青史  
萬古植綱常

國朝

桃源憶故人

祁縣登樓作

朱燹尊

高樓百尺誰家院  
靜鎖葳蕤春晚  
可惜緞鬢簾卷  
只是

無人盼 登樓搔首斜陽滿風起落花如霰可惜鵝兒  
酒煖只是無人勸

賦

明

遊水神溝賦

原 堂 邑人

城市日羈泉石煙霞之味久不沾已庚午之秋八月五  
日挾圖史携盤榼攬轡水神之溝偃仰禪關之上瀝綠  
醕之三盞閒浮生之半時聽山腰青鳥之鳴翫草砌流  
泉之出迤邐南步轉東北折則方井之壺天葢宮之金

祁縣志

卷十五

藝文

二十九

闕畫棟飛南浦之雲朱簾捲西山之雨鐘磬不擊自聲  
花卉人所罕見縱目騁心野懷暢舒蠹不知天上有閭  
苑海上有蓬瀛也已而昧谷紅垂僕夫催歸禪關主人  
捧硯立左揖而言曰明公吾邑文士是來也不留半墨  
隻字題詠則溪澗之幽勝無自表見而水神山靈之望  
亦辜負矣茲願竊有請也坦菴子忻然躍出拍天而笑  
倚風而歌之歌曰聿水神之深溝兮蓄趣漪那仰孤峯  
之高聳兮霄漢相摩俯平泉之漢湧兮滾琉璃之碧波  
灌芳蘭之九畹而馨香篆篆其上騰兮引羣仙之吟哦

殿閣樓臺參差掩映兮皆雲龍之行窩檜栢松枝行樹  
搖婆娑之清影兮增夜月之陰多跨高峯撼閭闔向廣  
寒而笑問兮嫦娥在麼屈指吾祁近挹山麓之勝境兮  
此當第一羨吾今日來遊之嘉遇兮惜此日之易過僕  
夫促歸不歸兮其將奈何乃歸興兮其未闌而禪主兮  
以愜意曰驪駒兮栖遲且莫騁兮歸轡美景兮難求良  
辰兮鮮際茲萬寶之告成值天時之晴霽况乎坦公懷  
才而不得志掛冠而不樂仕睥睨四海驚放一世無榮  
無辱無拘無繫則茲溪澗之間雖盤桓乎數日其誰云

祁縣志

卷十五

藝文

三十

乎不可古者聖哲與木石居與鹿豕遊蓋達人之大觀  
顧何我之非物亦何物之非我坦菴子感禪主之言揖  
謝揮手送之而去方將掬泉而飲枕石而卧鼯而酣  
山林之清夢寤覺而旣曦昕之上薄振衣濯纓咏哦而  
歸而月又印乎前溪矣

周黨墓賦

頡煥章

邑人

昔炎祚之中興兮佐命感會於風雲振英威以答靈貺  
兮神旌指而新都自焚遽掃關河之重擾兮旋靖梁趙  
之紛紜靈慶啟而同文兮思賢輔以左右賁相望於巖

阿兮恐幽人之不我覲慨箕山其頽兮悵北海之老瞿  
客星堅卧而不起兮儒仲歸隱而不就舉世競逐夫浮  
利兮何乃肥遯而自甘豈硜硜者之沽名兮信道腴之  
可酣若君直之先見兮立義不與帝友獨默然以自貴  
兮且散髮而狂走此皆介性之所至兮遠囂埃以蛻蟬  
溯芳躅以周章兮浩茫茫而四顧繼余馬於小韓兮方  
踟躕以野步尋笛韻以前詢兮牧人導我以先路林籟  
發而悲風兮草珠翻而泣露飽閱世代之推移兮霜松  
脫落而無枝貞心猶挺夫勁直兮倘神靈此焉寓留不

祁縣志

卷十五

藝文

三十一

死之舊鄉兮還大造之所付遺委形於荒邱兮縈蔓草  
之宿霧嗚呼自漢迄今千五百兮彼樵牧之人迺若相  
之有素曰此漢隱士周黨之墓也固知夫子所自蹈  
兮得秉爨之同然洵至貴而無加兮何俗累之可緣憶  
始辟爲議郎兮遽謝病而遠引旣散產以周族兮復遊  
學而不自畛嗣帛旌之三至今不得已而就車巾穀皮  
而衣褐兮曾不少改乎厥初伏殿陛而陳辭兮竊願長  
守夫故吾也不敢謁以私干兮國家何取此濫竿也感  
堯仁之如天兮放孤雲以自飛謂士固有不賓兮厚賜



帛而許 嗟始愿之不違兮忽復返吾故里澹浮雲而  
不顧兮 軒冕其猶敝屣曠逍遙以自得兮固將遊乎  
一氣之所始是其身雖窮兮道終古而不窮形雖死兮  
神至今而不死彼夫表墓首而亭之兮思名賢而慨然  
有道之風流兮恨不同舟而共仙掛辟書於樹間兮  
窮老蓬室而不盼紛紛欣欣其獨樂兮謝束觀而玩羲  
編夫何後來之慕義兮不讓前賢以專美益嘆夫子之  
高蹈兮早扇清風於繼起追飲牛之上流兮友商山之  
角綺行採藥於麓臺兮不釣名於潁水洵建武之畸人

祁縣志

卷十五

藝文

三十二

兮障東流而作砥振 懦於百代兮固世道之所恃超  
宇宙而獨存兮乃無愧乎聖王之旁求而得逸民之素  
履歌曰幘山兮舊遊澹空翠兮煙浮望古人兮不可求  
窈叢蘭兮自幽夕照兮荒邱

新增詩

詠丹楓閣

王岱

君本商山流神貌最高古鬚眉九尺蒼偉岸少儕伍磊  
落氣浩然勿用龍潛俯生平阨運會抱奇不一吐曠世  
遺逸才枯槁作訓詁有友傅公他臭味如水乳學道求  
嘿容晦迹避時侮夢遊無妄適縹緲臨元圃神山非希  
覲楓林露丹宇咫尺靈境接天風起毛羽洪濤湧突兀  
落葉回翔舞釋諦命宿通仙人神出戶至聖洗心藏怪  
妄俱無取神形時不屬夢醒中有主無用談逍遙莊蝶

祁縣志

卷十五

藝文

一

空栩栩

祁縣

陶

澍

文毅

驅車過祁縣中有祁奚墳祁奚古賢宰舉仇復舉親我  
謂奚固賢賢其君知人其君苟不賢焉辨僞與真舉仇  
近狡獪舉親近要恩要恩庸情耳狡獪非所論古來老  
奸滑機變險且神陽博舉賢譽陰以戕其身君看藍面  
鬼乃殺顏清臣

西邨善學漁洋予喜其俊逸又懼爲時流習氣所

染瀕行附古人相勉之意用作是篇

陽曲  
折遇蘭 進士

聖人運元化萬象森包羅羣材競綺麗變態亦何多  
國初盛風雅大纛爭嵯峨漁洋最挺出俊健如天鷲言詩  
取超詣妙悟遺白窠淮南木微脫洞庭秋始波美人澹  
無言天風響雲和翩翩西邨子年少工吟哦得髓應在  
茲新詩已可歌方塘鑑毛髮亭亭發新荷清泚悅鷗鷺  
偃仄愁黿鼉勗哉慎流弊一變趨么麼壯士志遠大巨  
刃揮太阿精思鑿混沌奇氣吞江河卓哉杜與韓遺編  
猶不磨揚鏹向九軌蕩蕩無偏頗愧我才既竭望洋空

祁縣志

卷十五

藝文

二

嘆嗟吾子方未艾前途修復賒努力贊

休明毋爲昔人訶

俚言紀實八韻書爲西邨兄教正昔人謂爲人作  
傳記須得一好題目便有好文章余以爲不盡  
然也西邨兄高才博學不才固心焉領之矣奈

手腕弗靈遂終無佳句何

邑人

楊冠英

杏菴

白眼吾何敢青錢信屬兄久懷經世志雅有著書情錦  
繡胸中貯珠璣腕下生後塵追腐史先進仰飛卿嗜古  
眞成癖宜今豈驚名桑麻同晉國風雨憶燕京不第憐

余拙彈冠望子榮儻堪揚盛德長此托風清

題喬西邨汝成書屋

前人

與時俱止與時行榮辱興衰總不驚斗室蕭然無別事  
一窗風月講西銘

送喬西邨之任

前人

送君南宦首頻昂男子眞成志四方饒有經綸傳舊業  
不辭襄贊佩新章蘇堤柳色迎征旆庾嶺梅花賁錦囊  
自昔清才無弗遇仁看鳧履曳雲廊

捧讀西邨先生黃葉樓詩集覺筆歌墨舞純是書

祁縣志

卷十五

藝文

三

卷流溢學問宏深已自較著且才情性靈無美  
不備上下古今眞堪與歷代詩人後先輝映自  
是君身有仙骨世人那得知其故人品美如玉  
界尺文章華似錦屏風敬爲先生誦之惟是卷  
末有先生自題初集成七律詩一首撫卷低徊  
情詞並著<sup>林</sup>不揣固陋步韻奉和聊當續貂珠  
玉在前羞我形穢第心寫心儀亦正情不自禁  
云

邑人 梁秀林 苑卿

欣慕丰華已飲醕揮毫珠玉又紛陳陽春白雪羞猶我

流水高山怕類人丹閣不嫌追後學紅龕應許托前身  
他年文獻徵三立佳品瑤章一併伸

送喬西邨之任

前人

山右今詩伯昭餘達也先甯爲杜工部不作白樂天赴  
任馳良駟歸耕有薄田他年重握手茗飲故鄉泉

題黃葉樓集後

清源 岳廷元 進士

昭餘文獻地閒世出名流昔著丹楓閣今推黃葉樓浮  
華皆屏却墜緒獨窮搜大雅存茲集甯惟才調優

題黃葉樓詩稿後

邑人 高攀驥

祁縣志

卷十五

藝文

四

讀竟陽春興倍加清詞麗句粹無瑕風騷釀就新詩卷  
典籍陶成老作家論古名言懸日月抒懷雅韻燦雲霞  
昭餘文獻丹楓後又有先生富五車

會善村懷古

咏温庭筠

文水 蘇捷卿 進士

休言官賦八义成鬪捷從來世所輕但恨不爲杜陵老  
已應無愧玉溪生風飄弱柳多新意月照高樓無恨情  
愛說雞聲茅店月世閒何處有公評

丹楓閣

前人

老輩風流憶戴公臨街起閣號丹楓十年稅得名賢駕

顧寧人先生  
寓此十年

百里迎來高士風

傳青主先生  
時時往來

故國興亡

如夢過新秋詩酒少人同劇憐霜葉渾如昔照得斜陽  
一片紅

乙卯夏日路經南社茶亭卽景

太谷 武蔚文 廉訪

渠流屈曲繞邨斜南社東頭特地嘉萬樹綠陰隄上柳  
百般紅豔隴中花豆棚一架微颺透茅屋三間密蔭遮  
幾箇田翁箕踞坐閒看過客話桑麻

賈令早發

五臺 徐繼畬 撫軍

旅榻眠難穩驅車賦北征曉風催馬足殘月咽鷄聲道

祁縣志

卷十五

藝文

五

里非云遠衣囊况復輕歸時春欲暮花柳笑相迎

留別昭餘士民五律二首

奉新 余紹昶 邑令

官久難爲別民和感至誠花栽新手澤錦製舊頭銜煙  
裊香留鼎聲吞淚滿衫麓臺山色好迥異石巖巖

舊治新猷少行囊贈句多愴懷縈父老遊目感山河憑  
弔虛前日風情付逝波我心傷遠別且莫唱驪歌

感賦七律二章

前人

風塵下吏幾飛騰終歲輪蹄頗不勝滋味久嘗茶七品  
功名那值酒三升又教葛令來勾漏未許相如卧茂陵

斗米竟忘腰折苦夜窗依舊守寒燈

浮家泛宅據征鞍驛路風清乍戒寒又作登場新今尹  
爭看執戟老郎官衣冠優孟描摹易面目匡廬刻劃難  
爲去此邦腸九轉彼都况復路漫漫

留別昭餘諸友

寧鄉

楊映奎

刑部郎中

力學休教俗累牽彼蒼生我豈徒然名臣大業皆吾事  
古聖遺經待孰傳豈以文章爲小道恐將俎豆讓前賢  
孔顏樂處誠何在密邇宮墻曷細研

書院與基趾相連

文廟

宿學老儒半苦寒科名何物獨艱難貞心不改移山志

祁縣志

卷十五

藝文

六

國手誰修奪命丹文字豈遭神鬼忌束修粗助室家餐

伯牙何日鍾期遇指顧瑤琴爲鼻酸

周雲樵溫曉溪徐東浦張曉峯明經

范雨田茂才皆老寒士以宿學久困場屋

少年意氣甚飛揚濟濟英才銳莫當立志宜求千古重  
持身常有四知防風雲月露原無用誠正修齊刻莫忘  
窮達從來應有命莫因俗學誤駒光

廿載雲司力已疲重尋舊業恰相宜辭官只爲才猷拙  
講學尤嗟悔悟遲常恐明珠遭抑塞愧無寶鏡照妍媸  
六年歲月蹉跎易敢望同人去後思

題唐樸齋詩草

忻州

王錫綸

舉人

土花耿耿舊苔斑神物韜光未等閒安得要離三尺塚

重論劍術買青山

題擬古劍篇

陰雨連旬事可哀制師籌策已全灰牙旗玉壁愁無限

莫上西風舊將臺

題潼關行篇

庚辰九日赴何筱如比部南園詩讌

全州

劉發岷

邑令

掣得閒身歲序忘又從客裏過重陽歸心便擬催蘭櫂  
雅集偏邀泛菊觴勝入園林秋颯爽歡聯裙屐興飛揚

祁縣志

卷十五

藝文

七

珠槃玉敦羣英會不數當年落帽狂

自笑迂儒仕爲貧一官承乏恰三春冷隨關月甯辭役

遙望湘雲苦憶親

余奉檄調署偏關因陳情乞養

烏哺幸容旋故里鴻

泥那許認前因明年此會羣公續定把茱萸憶遠人

前題

奉天

魏象乾

邑令

半池澄碧漾亭陰松柏垂檐入望森招我擎杯多款洽  
爲君題句幾沉吟來游未落龍山帽撫字徒鳴單父琴  
但願明年秋更好題糕韻事再追尋

前題

平定

李穀人

戶部主政



娶宴百年得幾時行籌應許折花枝白鸚喚客詩千首  
綠螳宜人酒一卮半徑菊萸忘坐久滿城風雨計歸遲  
明年此會知仍在相約還來到枳籬

書祁縣志文中子傳後

邑人 李 芬

聖人久不作王道竟誰陳秦漢洎魏晉黃老流韓申凌  
夷至五季運否斯文屯五經誠掃地二氏彌亂真卓哉  
文中子崛起汾河津能通天下志先覺洵天民金門獻  
十策尺蠖屈求伸公卿滋不悅浩歌賦東征退老西河  
上道以一身殉隱居求其志修辭立其誠一時門下士

祁縣志

卷十五

藝文

八

蔚爲佐命英擬經非得已論世當原情遽加僭妄罪竊  
恐非公評千古一疑獄平反在陽明陽明講學日人持  
此案詢公乃片言折良工獨苦心曠代得知已一洗千  
年塵不解宋儒輩何用故相傾謂道有宗統孟後傳無  
人自秦直至宋懸絕二千春河汾雖倡道畢竟非傳薪  
自有此苛論無蟲不應聲遂令文中子致等鴻毛輕信  
如宋儒語天亦好紛更由堯至孔子聞知有定程胡忽  
二千載無一名世生必以程繼孟統何太逡巡凡此吹  
毛論皆欲統自爭豈知道有運運在一人身如天有樞

紐相與轉鴻鈞周衰有孔子漢未有康成降至宋元際  
轉關賴許衡文中在當日同此一例循五胡雲擾後吾  
道成荆榛獨能執金鼓力與抗顏行絕學繼往聖爲世  
開太平功不在孟下千聖一干城此猶不與統統將誰  
轉輪惜其年不永學未幾聖神然論傳道統非此莫與  
京續經久湮沒元經幸未淪試取其書讀當嗟生不辰  
悠悠百世下山斗仰高名

書溫嶠傳後

前人

灑淚盟陶誓死從太真心事後彫松計驅處仲疑錢鳳

祁縣志

卷十五

藝文

九

漫把夷吾信阿龍牛渚燃犀幽怪逼鏡臺貽玉美人逢  
絕裾何必非忠孝顯母重安石馬宗

